

興國縣志卷之九

書院

按興邑前朝書院久廢張損持太史創立義塾亦未久而廢康熙五十七年有欲為陳令建生祠者格於公論而止乃以漱江書院額之孔志所稱舊在

上諭亭者是也漱江書院之名實自此昉厥後徐令復建陳令再遷皆仍其名至今規制略備故詳其建置年代及歲支章程於前安湖鴻飛長春南山其遺址之可考與不可考者均附錄焉蔣志

漱江書院舊在邑北門外瑤岡下乾隆二年戊午知縣

興國縣志

卷之九

書院

徐大坤因

文廟舊址創建乾隆三十八年癸巳知縣陳椿年復以文廟舊址鼎建

文廟

文廟居右漱江書院在左為今制院基廣六丈長七丈有奇堂寬三丈深如寬加四尺中祀周程三夫子旁列學舍二十二間嘉慶十六年辛未重修移頭門於左側良方院後舊有文昌廟咸豐七年合廟與書院為一凡三進上祀文昌帝君中為魁星閣前為講堂右偏為尚義祠設捐戶牌於龕門庭學舍悉仍其舊



書院山長舊聘請無定嘉慶二十四年己卯經合邑紳士真請知縣夏璜申詳上憲批准嗣後專請本縣名宿主講永爲定規山長脩脯原設租穀二十四石乾隆二十四年知縣鄧蔚林詳請增穀二十四石又於乾隆三十五年復詳定增穀二十二石共穀七十石俱於上官崇儒戶支給又義學舊買壩南田租二十二石五斗均歸山長書院前店房四間租稅內每月支錢一千文作山長薪水道光間因崇儒戶支絀公議勸捐得錢一千串交鵬戶管鑰每年出山長修金一百二十串

書院肄業生童膏火原設租穀四十八石乾隆二十四年詳定每年以二十名爲率每名給穀五石三十五年復詳定每名增穀五石共穀十石通計每年支穀二百石俱於上官崇儒戶給發

同治六年知縣李繼曾諭各捐戶擴充膏火錢七千一百串派存恆春同仁永生三質鋪生息歲收息一分三厘議定新章加山長束脩錢一百四十四串官送點心錢二十串歲取肄業生童各六十名統計校閱課期官課七師課十三每課生童列三十名前者給膏火錢四百文生員超特等童生上卷中卷各獎賞有差官課約獎錢十餘千文師課約獎錢四千餘文每月加課詩古



經訓一次不給膏火獎賞較正課加優超特上中以次降

書院前店房四間歲收租錢四十千文除山長薪水及置辦先賢祭祀暨平時香燈外肄業生童課期茶點錢及院斗工食錢均於此內開銷

孔志書院條規六則

一朔望諸生隨掌教瞻拜一先賢周子次詣一先賢三程祠肅拜禮畢升堂掌教授揖諸生三揖退

一每月逢六旬課初旬會卷送兩學輪閱中旬本署縣親臨書院備飯給卷局門面試封卷親閱終旬會卷

興國縣志

卷之九

書院

三

掌教閱定文字彙釘歲終選訂刊存有向不與甄別後願來學者每季附錄一回

一讀書法宜仿畏齋分年日程大略將四書五經小學近思錄朱子綱目等書逐日逐段熟讀再將太極圖說連圖解朱註通書并朱子序張子西銘東銘正蒙大程子與橫渠論定性書二程子顏子所好何學論易序易傳序春秋傳序四箴朱子大學章句序中庸章句序大學經一章或問補致知格物章或問中庸第一章或問易學啟蒙首篇河圖洛書說觀心說仁說與張敬夫後書敬齋箴此等文字彙抄一冊研精



玩味其正蒙語有出入須照精義摘讀

一講堂之設先以說書繼則課文昌黎所謂傳道受業解惑都在箇中程子謂若要熟須從這裏過此類是也掌教逐條解說恐不耐煩而諸生容或古樂倦聽過而不留若只自看講章又恐掩卷茫然莫若令諸生童每旬之三日坐列堂上輪講一條講畢聽掌教指正聽者各有所得亦許講畢更端以進初則期期艾艾漸且脫口而出兼命王謝二生爲監講毋許諸生規避本署縣政閒有得亦將故業另期就質

一文以載道西江歐會諸大家皆出於有本之言是以

輿國縣志

卷之九

書院

四

洋洋灑灑注而不竭前明隆萬天崇諸名公制藝理法彙臻采骨俱振

國初諸老尤盛總範圍於

欽定四書文內學者鎔鑄在心取精用宏何患不能榮世不能壽世第近來文人非擗摻奇僻之字割裂佶屈之詞自命異致卽束書高閣勦說雷同弱而不振諸生祛弊務盡令學有心得自然吐詞爲經如青錢萬選大要韓子所謂文從字順也

禮以防漸記云學然後知不足教然後知困義理無窮虛衷受益辨論不妨往復而口雌腹誹卽朋友間



不可略存一毫所以傳稱朋友講習義取乎兌悅相  
麗也吾鄉沈端恪有言東萊與朱子爲友而學術不  
能無偏駁者我見未忘而勝心未去也陸子靜更可  
知矣若橫渠之於二程勇撤臯比而降心相從其造  
詣豈可限哉終舉以爲諸生勗

安湖書院在衣錦鄉宋咸淳八年壬申縣令何時建文  
天祥方逢辰皆有記中爲三程祠祠與書院皆久廢明  
洪武間知縣唐子儀重建正德十四年己卯知縣黃泗  
遷於城內大乘寺中祀三程周元公東爲李君行祠西  
爲鍾令公祠旁列至敬行恕修德凝道四齋更徙置文

興國縣志

卷之九

書院

五

信國碑記嘉靖二十五年丙午推官林萬潮攝縣會教  
諭徐昇請帑重修羅洪先記萬曆三十一年癸卯知縣  
何應彪改爲名賢祠增祀王文成書院之名遂廢  
本朝咸豐十一年鍾潤蘭等就衣錦鄉故址復建書院  
共計廳房六十餘間墻垣五十餘丈中祀 周程四夫  
子左爲先賢祠右尚義祠置田租四百餘石爲膏火之  
資邑人鍾音鴻有記

鴻飛書院在西門外今普惠寺北明萬曆癸卯知縣何  
應彪建中爲堂後爲寢室左右爲房前爲坊又前爲月  
池士民肖像合祀何公應彪王公芮久廢



長春書院在南門外今普惠寺南明萬曆乙卯知縣吳宗周建規制如鴻飛士民塑像專祀吳公有田租三十石載糧七斗零今不可考

南山書院在南門外里許龍王潭之東祀雷忠宣公正莊忠敏公夏匾曰溫陵遺愛二公皆溫陵世家嘗宦興國故邑人合祀之舊有田租十八石地稅銀八錢今不可考

南社學在南隅孝行坊北社學在西隅新安坊久廢義學舊在縣署右文昌祠康熙四十九年知縣張尚瑗建學使冀霖工科給事中王原皆有記後廢今其地爲

興國縣志

卷之九

書院

六

激江書院

文瀾書院卽迴龍閣舊址咸豐元年合邑捐貲改修作書院講堂齋房俱倣舊制更加增飾惟束脩膏火未備知縣梅雨田勸捐錢三百六十千歸典生息俟後勸有成數再爲舉行

寶賢書院在寶城鄉神仙墩道光十八年邑人夏侯顯鄭耀焜捐創前後三進周七十餘丈前爲魁星樓後爲文昌宮中爲講堂後之左右爲尚義祠學舍凡六十五間知縣沈衍慶有記

飛魚書屋在寶城鄉之里富同治七年職員楊和生員



楊守清信建敎祖以教其族黨子弟

按移建之安湖書院雖改爲各賢祠然與鴻飛長春  
南山三處皆爲士子肄業之所故蔡志同列書院兵  
燹以後蕩爲瓦礫之場斷礎荒池張捐持大史猶及  
見之其開建義學文告有士子執業無從文風頽敝  
之歎蓋是時甫離兵革民氣未復文教之興不能不  
有其漸也今

國家承平日久

德化覃敷士子棲息有所脯餼有資所謂精神擬曉日  
以初升功效似長川而力至者昔則期之今則見之

興國縣志

卷之九

書院

七

惟望多士益鼓舞奮興爭自濯磨各不負其擔簦負  
笈之初意而已

蔣志

按書院之設先後興廢不一我邑自道光四年以來  
增建者二激江書院膏火十倍於前培植有資文風  
可期日上茲將原志所有并按語依舊全載其增建  
修治及新更章程不符前志者亦悉載其中末另附  
以按語庶觀者一目瞭然